

“ТАСДИҚЛАЙМАН”

Ёшлар ишлари агентлиги

директори Уринбосари

Ж.Ходжаев



«Ёшлар овози» танловининг саралаш ва худудий босқичларини телевизион  
форматда тасвирга олиш, монтаж қилиш ва тайёр

медиа-маҳсулотлар тайёрлашга доир

**ЭНГ ЯХШИ ТАКЛИФЛАРНИ ТАНЛАШ БЎЙИЧА ХАРИД ҚИЛИШ  
ХУЖЖАТИ**

Тошкент 2022 йил

YAL XL

## I. УМУМИЙ МАЪЛУМОТЛАР

### 1. Энг яхши таклифларни танлаш предмети.

Энг яхши таклифларни танлаш бўйича харид комиссияси (бундан буён матнда харид комиссия деб юритилади) ўз фаолиятини Ўзбекистон Республикасининг “Давлат харидлари тўғрисида”ги Қонуни ва Харид қилиш тартиб-таомилларини ташкил этиш ва ўтказиш тартиби тўғрисидаги низом (рўйхат раками 3016, 26.05.2018 й.) асосан амалга оширади.

**Энг яхши таклифларни танлашни ташкил қилишнинг асосий мақсадлари қўйидагилар:**

«Ёшлар овози» танловининг саралаш ва худудий босқичларини телевизион форматда тасвирга олиш, монтаж қилиш ва тайёр медиа-маҳсулотлар тайёрлашга доир энг яхши таклифларни танлаш (бундан буён матнда танлаш деб юритилади) ўтказиш кўзда тутилган.

Хизматларнинг максимал нархи: **ҚҚС билан 1 270 000 000 (Бир миллиард икки юз етмиш миллион) сўм.**

Хизматлар учун энг яхши таклифларни танлаш бўйича харид қилиш хужжатларининг тижорат қисмida жойлашган талабларига биноан бажариш шарт.

Хизмат кўрсатиши муддати: **40 календар куни ичида.**

### 2. Мазкур танлаш хужжатларида ишлатиладиган тушунчалар.

«Ёшлар овози» танловининг саралаш ва худудий босқичларини телевизион форматда тасвирга олиш, монтаж қилиш ва тайёр медиа-маҳсулотлар тайёрлашга доир энг яхши харид қилиш хужжатлари (кейинги ўринларда матнда – Танлаш хужжатлари) талаблари асосида ташкилотни аниклаш.

Танлаш ўтказиш тартиби – бир босқичли.

**Буюртмачи** – Ўзбекистон Республикаси Ёшлар ишлари агентлиги;

Манзили: Тошкент шаҳар, Шайҳонтохур тумани Навоий 11а

Танлашни ташкил этиш ва ўтказиш учун масъул шахс – Ишлар бошқармаси бошлиги М.Табибуллаев;

Тел.: (99) 110-86-86

### 3. Харид комиссиясининг вазифалари:

харид қилиш хужжатларини келишади;

таклифлар қабул қилиш муддатларини белгилайди;

таклифларни очиш тартиб-таомилларини белгилайди;

таклифларни баҳолаш мезонларини ва усулларини белгилайди;

зарур бўлганда таклиф киритиш тартибини, ҳажмини ва уни таъминлаш шаклини белгилайди;

зарур бўлганда баҳолаш гурухини ташкил этиш тўғрисида карор қабул қиласди;

харид қилиш тартиб-таомилларини “Давлат харидлари тўғрисида”ги Қонунга мувофиқ амалга оширади;

харид қилиш тартиб-таомилларининг рақобатлашув турлари ғолибини ва зарур бўлганда захирадаги ғолибни белгилайди ёки савдони амалга ошмаган деб топади.

**Танлашнинг ташкилотчиси** – Ишчи гурух. Унинг вазифасига қўйидагилар киради:

Танлаш хужжатларини ишлаб чиқилишини таъминлайди ва уларни ўрнатилган тартибда талабгорларга тақдим этади;

- танлаш ўтказилиши тўғрисида республика товар хом ашё биржасининг [www.etender.uzex.uz](http://www.etender.uzex.uz) порталида эълон беради;

- танлаш таклифларини баҳолаш мезонлари ишлаб чиқилишини таъминлайди.

#### **4. Техник ва тижорат таклифларни баҳолашда харид комиссиясининг вазифалари:**

-иштирокчиларнинг танлашга тақдим этилган молиявий ҳужжатларини, таклифларни сифат ва нарх нуқтаси назаридан ўрганади, таҳлил қиласи ва кўриб чиқади;

-энг яхши сифат ва нарх таклифини аниқлади ва қарор қабул қиласи.

**Иштирокчи** – мулкчилик шаклидан қатъий назар, энг яхши таклифларни танлаш бўйича харид қилиш ҳужжатлари талабларида кўрсатилган хизматларни кўрсатиш бўйича тажрибага эга бўлган ташкилотлар.

Иштирокчи:

- тақдим этилган маълумотлар ва ҳужжатларнинг ҳақиқийлиги ва тўғрилиги учун жавобгарликни ўз зиммасига олади;

- фақат Танлаш ҳужжатлари талабларига мувофиқ битта таклифни тақдим этиш ҳукуқига эга;

- тақдим этилган таклифни тақдим этиш муддати тугамагунча қайтариб олиш ёки ўзgartiriш ҳукуқига эга.

#### **5. Иштирокчига танлашда қатнашиш учун қўйиладиган талаблари**

5.1. Иштирокчи таклифда қатнашиш учун e-tender.uzex.uz сайтида жойлаштирилган эълон белгиланган тартибда электрон шаклда таклиф бериш орқали иштирок этади.

5.2. Танлашга қўйидаги иштирокчилар қўйилмайди:

– шартномани бажариш учун зарур техниковий, молиявий, моддий, кадрлар ресурсларининг ҳамда бошқа ресурслари мавжуд бўлмаган;

– шартнома тузиш учун қонуний ҳукуққа эга бўлмаган;

– солиқлар ва йигимларни тўлаш бўйича муддати ўтган қарздорликнинг мавжуд бўлган;

– инсофисиз ижрочиларнинг ягона рўйхатида бўлган;

– ўзига нисбатан жорий этилган банкротлик тартиб-таомилларининг мавжуд бўлган;

– имтиёзли солиқ режимини таъминлайдиган ва/ёки молиявий операцияларни (оффшор зоналар) амалга оширишда маълумотни ошкор қилиш ва тақдим этишни назарда тутмайдиган худудларда рўйхатдан ўтган ва банк хисоб ракамларига эга бўлмаган;

– аввал имзоланган шартномалар бўйича келишилган мажбуриятларни ўз муддатида бажармаган;

5.3. Харид комиссияси иштирокчини харид қилиш тартиб-таомилларида иштирок этишдан четлатади, агар:

у тўғрисида Инсофисиз ижрочиларнинг ягона реестрида қайд мавжуд бўлса;

унда солиқлар ва йигимларни тўлаш бўйича муддати ўтган қарздорлик мавжуд бўлса;

ўзига нисбатан банкротлик тартиб-таомиллари жорий этилган бўлса;

иштирокчи харид қилиш ҳужжатларининг малака, техник ва тижорат талабларига жавоб бермаса;

иштирокчи давлат харидлари жараённада Агентлик томонидан бирор-бир хатти-харакатнинг содир этилишига, қарор қабул қилинишига ёки бирор-бир харид қилиш тартиб-таомилининг қўлланилишига таъсир ўтказиши мақсадида давлат буюртмачисининг ёки бошқа давлат органининг исталган ҳозирги ёки собиқ мансабдор шахсига ёки ходимига ҳар кандай шаклдаги ҳақни, ишга ёллаш тўғрисидаги таклифни ёхуд исталган бошқа қимматбаҳо ашёни ёки хизматни бевосита ёхуд билвосита таклиф қилса, берса ёки беришга розилик билдиrsa;

иштирокчи рақобатга қарши ҳаракатларни содир этса ёки қонунчиликни бузган ҳолда манфаатлар тўқнашувини келтириб чиқарса, шунингдек аффилланганлик ҳоллари аниқланса.

Харид комиссиясининг иштирокчини харид қилиш тартиб-таомилларида иштирок этишдан четлатиш тўғрисидаги қарори ва бунинг сабаблари харид қилиш тартиб-таомиллари ҳақидаги ҳисбототга киритилади.

#### **6. Танлаш доирасида ҳужжатларнинг маҳфийлигини таъминлаш**

6.1. Тушган таклифларнинг кўриб чиқилиши, уларнинг танлаш комиссияси аъзолари томонидан баҳоланиши тўғрисидаги ахборот маҳфий ҳисобланади ҳамда танлаш тартиб-коидасига расман алоқадор бўлмаган шахсларга маълум қилинмайди. Харид комиссияси аъзолари мазкур ахборот ошкор қилинганлиги учун қонун ҳужжатларида белгиланган

тартибда жавоб берадилар.

## **II. ЭНГ ЯХШИ ТАКЛИФЛАРНИ ТАНЛАШ БҮЙИЧА ХАРИД ҚИЛИШ ХУЖЖАТЛАРИ**

### **7. Танлаш хужжатининг таркиби**

7.1. Танлаш иштирокчи унга берилган танлаш хужжатини ва шу билан бирга барча кўрсатмалар, шакллар, шартлар ва техник тафсилотларни тўлиқ ўрганиб чиқиши шарт.

7.2. Иштирокчиларнинг таклифлари танлаш хужжатларининг талабларига мувофиқ бўлса, у тегишли тарзда расмийлаштирилган деб топилади.

7.3. Танлаш хужжатларида кўрсатиб ўтилган барча талаб қилинган маълумотларни бермаслик ёки таклифнинг танлаш хужжатлари талабларига тўғри келмаслиги, таклифнинг қабул қилинмаслигига олиб келади.

### **8. Танлаш хужжатларига аниқлик киритиш**

8.1. Хужжатларни тақдим этиш муддати тамом бўлгунга қадар Иштирокчи танлаш хужжатларига қандайдир аниқлик киритиш учун харид комиссиясига ёзма равишда мурожаат қилишлари мумкин:

8.2. Харид комиссияси талабгорнинг сўровига кўра Танлаш таклифларини тақдим этишининг сўнги муддатидан камида 3 кун олдин сўров манбасини кўрсатмаган ҳолда танлашнинг барча иштирокчилари тақлифи мажбурий тартибда жавоб юбориб, танлаш хужжатларининг моҳияти ёки мазмуни билан боғлиқ саволга ёзма жавоб бериши шарт.

### **9. Танлаш хужжатларига ўзгартириш ва қўшимчалар киритиш**

9.1. Таклифларни тақдим этиш муддати тамом бўлгунга қадар камида 2 кун олдин харид комиссиясининг қарорига мувофиқ талабгорларга маълум қилишга ҳақлидир.

## **III. ЭНГ ЯХШИ ТАКЛИФЛАРНИ ТАНЛАШ БҮЙИЧА ХАРИД ҚИЛИШ ХУЖЖАТЛАРИНИ ТАЙЁРЛАНИШИ**

### **10. Танлашда қатнашиш харажатлари**

10.1. Танлашда иштирок этиш ва танлаш хужжатини тайёрлаш билан боғлиқ бўлган барча харажатлар иштирокчининг маблағлари хисобидан амалга оширилади.

10.2. Нарх таклифида кўрсатилган нарх танлаш таклифи нархи ҳисобланади.

10.3. Танлаш таклифи нархи миллий валюта - сўмда тўланиши лозим.

10.4. Махсулот (хизмат, иш) нархи таклифга барча ҳаражатлар, яъни солиқ ҳамда бюджет ва бюджетдан ташқари жамғармаларга мажбурий тўловлар киритилади.

10.5. Иштирокчи томонидан белгиланган нархлар маҳсулотни етказиб бериш (хизматларни кўрсатиш) мажбуриятларини оҳирига етказилмагунга қадар ўзгартирилмайди (танлаш комиссиясининг нархларни тушириш бўйича музокаралар олиб бориш натижасида ўзгартишлар киритилиши мумкин).

10.6. Нархларнинг ошишига қараб ўзгартириладиган нархларни кўзда тутувчи танлаш таклифлари исталган босқичда, танлаш талабларига жавоб бермайди деб қаралади ва танлаш комиссияси томонидан кўриб чиқилиши рад этилади.

### **11. Танлашда қўлланиладиган тил**

11.1. Иштирокчилар томонидан берилаётган таклифлар, Буюртмачи ва иштирокчи ўртасидаги хатлар ва барча тегишли хужжатлар ўзбек ёки рус тилида тайёрланади.

### **12. Танлаш таклифини ташкил қилувчи хужжатлар**

12.1. Талабгорнинг танловда қатнашиш бўйича аризасини қабул қилишда автоматик равишда унинг танлов таклифлари тўғри тўлдирилгани текширилади.

Танлов таклифларини мезонлар бўйича баҳолашда танловда қатнашиш шартларига риоя этилиши, танлов шартларида кўрсатилган маълумотлар мавжудлиги текширилади.

Талабгор томонидан тақдим этилган танлов таклифлари тұғри тұлдирилмагани ёки талабларга риоя этилмагани аризани қабул қилишни рад этиш учун асос ҳисобланади. Бу ҳақда унинг шахсий кабинетига электрон хабар юборилади.

### **13. Мұқобил таклифлари**

13.1. Паст техник (функционал) күрсаткычларга эга бұлган маҳсулот (хизмат) күринишида берилген танлаш таклифлари күриб чиқылмайды.

## **IV. ТАНЛАШ ТАКЛИФИННИГ ТОПШИРИЛИШИ ВА ОЧИЛИШИ**

### **14. Танлаш таклифларини муҳрлаш ва конвертларни белгилаш**

14.1. Танлаш иштирокчиси танлаш таклифларини мазкур танлаш хужжатлари талабларига қатый риоя қилған ҳолда муҳрлаши керак.

14.2. Иштирокчининг танлаш таклифи, танлаш очилған кундан бошлаб 30 (үттіз) кун мобайнида үз кучини сақлаши лозим.

14.3. Айрим ҳолларда харид комиссияси танлаш иштирокчисидан таклифнинг амалда бўлиш муддатини узайтиришни сўраши мумкин. Бу сўров ва жавоб хат (телеграмма) күринишида расмийлаштирилади.

## **V. ТАНЛАШ ТАКЛИФЛАРИНИ БАҲОЛАШ ВА ГОЛИБЛАРНИ**

### **АНИҚЛАШ ТАРТИБИ**

#### **15. Танлаш таклифларини баҳолаш ва ғолибларни аниқлаш**

15.1. Харид комиссияси танлаш таклифларини техник, ташкилий-молиявий ва тижорат жиҳатдан баҳолаш харид комиссияси аъзолари томонидан амалга оширилади.

15.2. Танлаш таклифларини баҳолаш бир босқичдан иборат бўлиб, Танлаш хужжатларининг V-бобига мувофиқ иштирокчиларнинг таклифларини баҳолаш мезонлари асосида амалга оширилади.

15.3. Танлаш хужжатларида кўрсатилған мезонлар асосида шартномани бажаришнинг энг яхши шартларини таклиф қилған танлаш иштирокчиси ғолиб деб топилади.

15.4. Танлашда ғолибни аниқлаш мезонлари товар (иш, хизмат) давлат харидининг нафақат пул ифодасига, балки миқдорий ва сифат баҳосига ҳам эга бўлади.

15.5. Танлаш иштирокчиси томонидан тақдим этилған хужжатлардаги ахборот ишончсиз эканлиги аниқланган тақдирда, харид комиссияси бундай иштирокчини харид қилиш тартибтаомилининг исталған босқичида танлашда иштирок этишдан четлатишга ҳақли.

15.6. Танлаш таклифларини баҳолаш вақтида харид комиссияси танлаш иштирокчисидан унинг танлаш таклифлари борасида тушунтиришлар беришини сўраши мумкин.

15.7. Иштирокчиларнинг тижорат таклифларини барча учун teng шартлар асосида ўтказиш мақсадида уларнинг танлаш таклифларини баҳолашда, сифатли маҳсулот етказиб беришдан (хизмат кўрсатишдан, иш бажаришдан) иборат бўлған танлаш таклифлари бўйича қонунчилик асосида қўшимча қўшилған қиймат солиғи тұловчилари томонидан солиқ суммаси киритиб ҳисоб қилинади.

15.8. Танлаш иштирокчиларининг таклифларини молиявий баҳолаш, тижорат таклифларни баҳолаш мезони асосида аниқланади.

15.9. Танлаш таклифларини қараб чиқиши муддати 10 кундан ошмайди.

15.10. Якун чиқариш ва танлашнинг ғолиби тұғрисидаги қарор харид комиссияси томонидан қабул қилинади. Ғолибни танлашда харид комиссияси аъзоларининг якка тартибдаги хulosасига асосланилади. Қарор харид комиссияси аъзолари умумий сонининг оддий, кўпчилик овози билан қабул қилинади.

Харид комиссиялари аъзоларида иштирокчилар билан аффилланғанлик хусусиятига эга алоқалар мавжуд бўлған тақдирда, харид комиссиясининг бундай аъзоси бу масала қўтарилилган мажлисда үзини үзи рад этиши ва мазкур масала бўйича овоз беришда иштирок этмаслиги керак, бу ҳақда баённомада қайд этилади.

15.11. Харид комиссияси танлаш хужжатлари шартларига мос келмайдиган ҳар қандай танлаш таклифларини қабул қилиш ёки рад этиш хуқуқини үзидә олиб қолади.

15.12. Харид комиссиясининг сўровлари га жавоб бера олмайдиган иштирокчилар томонидан тақдим этилган (берилган) ҳар қандай тушунтиришлар кўриб чиқилмайди.

Баённома йиғилишда иштирок этган аъзолар томонидан имзоланиши ва харид комиссияси раиси томонидан тасдиқланиши керак.

15.13. Муҳокама учун белгиланган муддат тугаганидан кейин келиб тушган эътиrozлар харид комиссияси томонидан кўриб чиқилмайди.

Танлаш иштирокчилари томонидан танлаш ўтказиш натижалари бўйича эътиrozлар келиб тушганда, харид комиссияси эътиrozларни кўриб чиқади ва тегишли қарор қабул қиласди.

15.14. Давлат буюртмачиси томонидан харид комиссиясига тақдим этилган муҳокама натижалари тўғрисидаги ахборот асосида харид комиссиясининг тегишли мажлиси баённомаси расмийлаштирилади ва имзоланган кундан бошлаб уч иш куни ичидан давлат харидларининг электрон тизимига жойлаштирилади.

15.15. Иштирокчиларнинг таклифларини баҳолаш мезонлари:

T/p	Мезонлар	Баҳолаш	Изоҳ
1.	Телевизион лойихалар ўтказиш бўйича тажрибаси	максимал 5 балл	баллар қатнашчилар тақдим этган тажрибалари тўғрисида асл хужжатлардан келиб чиқиб шакллантиради
2.	Марказий телеканаллар талабига мос бўлиши	максимал 5 балл	баллар қатнашчилар тақдим этган марказий телеканаллар талабига мос бўлган лойихалар ҳамда маҳсулотлардан келиб чиқиб шаклланади
Жами максимал балл		10 балл	

15.17. Минимал ўтиш балли 1 балл деб белгилансин.

## 16. Таклифларнинг мос келмаслиги

16.1. Танлаш хужжатларини текшириш чоғида аниқланган арифметик хатолар мавжуд бўлган тақдирда харид комиссияси:

иштирокчига танлаш таклифига тузатиш киритиш имкониятини бериши;

таклифларни баҳолашда, товар (хизмат, иш) нархи билан бирлик нархи ва сонини кўпайтириш натижасида олинган якуний нарх ўртасида номувофиқлик мавжуд бўлса, товар (хизмат, иш) нархи устунлик қиласиган, умумий нархга тузатиш киритиладиган қарор қабул қилиши мумкин.

Агар сўзлар билан ёзилган сумма (нарх) билан рақамда кўрсатилган сумма (нарх) ўртасида номувофиқлик мавжуд бўлса, у ҳолда сўзлар билан ёзилган сумма (нарх) устунлик қиласди.

16.2. Агарда иштирокчи хатоларни тўғрилашдан бош тортса, унинг танлаш таклифи харид комиссиясининг қарори билан четлаштирилади.

16.3. Танлашда иштирок этиш учун иштирокчи хукуки бошқа юридик шахсга ўтказилишига йўл қўйилмайди.

16.4. Танлаш қўйидаги ҳолларда бўлиб ўтмаган деб эълон қилинади:

танлашда иштирок этиш учун таклифларни тақдим этиш муддати тугаган пайтда фақат битта таклиф тақдим этилган ёки бирорта ҳам таклиф тақдим этилмаган бўлса;

барча танлаш таклифлари танлаш хужжатларига кўйиладиган талабларга мувофиқ бўлмаса;

барча танлаш таклифларида танлаш хужжатлари шартлари билан талаб қилинадиган хужжатлар мавжуд бўлмаса;

барча иштирокчиларнинг таклиф этган нархлари товарнинг бошланғич қийматидан анча юқори бўлса;

танлаш хужжатларида кўрсатилган талабларга мос келадиган камида иккита таклиф олинмаган бўлса.

16.5. Танлашнинг бўлиб ўтмаган, деб эълон қилиниши танлаш иштирокчиларидан

бирон-бирининг мулкий ёки бошқа жавобгарлигига олиб келмайди.

## **VI. ШАРТНОМАНИ РАСМИЙЛАШТИРИШ**

### **17. Шартномани расмийлаштириш**

17.1. Танлаш натижаларига доир шартнома танлаш ҳужжатларида ва ўзи билан шартнома тузилаётган танлаш иштирокчиси томонидан тақдим этилган таклифда назарда тутилган шартлар асосида тузилади.

17.2. Танлашда голиб чиққан иштирокчи буюртмачи билан шартнома тузади.

Танлаш ғолиби – таклифларни баҳолаш якунлари бўйича танлашда шартномани бажариш бўйича энг яхши таклиф билдирган иштирокчи.

Захирадаги ғолиб – танлаш ғолибидан кейинги ўринда турган энг яхши таклиф қилган иштирокчи.

17.3. Буюртмачи ва танлаш ғолиблари ўртасидаги шартнома танлаш ғолиблари тўғрисида республика товар-хом ашё биржасининг [www.e-tender.uzex.uz](http://www.e-tender.uzex.uz) маҳсус порталида зълон қилинган кундан бошлаб уч кун муддат ичida тузилади.

17.4. Голиб шартнома тузишни рад этган тақдирда унга закалат суммаси қайтариб берилмайди. Харид комиссияси томонидан захирадаги голиб аниқланган бўлса, шартнома тузиш ва унга доир мажбуриятларни бажариш хуқуки захирадаги ғолибга ўтади. Бунда захирадаги голиб ғолиб томонидан таклиф этилган нарх бўйича шартнома тузади ёки шартнома тузишни рад этиши мумкин.

17.5. Танлаш натижалари бўйича тузилган шартнома тўғрисидаги ахборот давлат буюртмачиси томонидан маҳсус ахборот порталига у тузилган кундан бошлаб уч иш кунидан кечиктирилди жойлаштирилади.

### **18. Шартномани имзолаш**

18.1. Агар икки иш куни ичida танлаш иштирокчилари томонидан танлаш ўтказиш натижалари бўйича эътиrozлар келиб тушмаган бўлса, харид комиссияси томонидан ғолиб деб топилган иштирокчи ўртасида шартнома тузилади.

18.2. Голиб деб топилган иштирокчи шартномани бажариш кафолатини муддатда бера олмаса кейинги энг кўп балл тўплаган захирадаги иштирокчи билан шартнома имзоланади.

18.3. Танлаш ғолиби микдор, сифат ҳамда техник кўрсаткичлари бўйича шартнома талабларини бажармаса қонун доирасида (ёки шартнома талабларига асосан) жавобгарликка тортилади.